

Tsoalo e Ncha ea Lefatše



SABATHA THAPAMA

Bakeng sa Thuto ea Beke ena Bala:

Esa. 65:17–25, Esa. 66:1–19, Esa. 66:19–21, Esa. 66:21, Esa. 66:22–24.

Temana ea Khopolo:

“Hobane bonang, ke ea bōpa maholimo a macha le lefatše le lecha; tse fetileng ha li sa tla hlola li hopoloa, li ke ke tsa khutlela mehopolong” (*Isaiah 65:17*).

Ka letsatsi le leng, moshanyana ea lilemo li 12 ka mora ho bala buka ea boithuto ba linaleli, a hana ho ea sekolong. 'M'e oa hae a mo nka a mo isa ngakeng ea lelapa, ea ileng a botsa, “Billy, bothata ke bofe? Hobaneng u sa batle ho ithuta kapa hona ho ea sekolong?” “Lebaka ke hore,” a rialo, “Ke balile sena bukeng ena ea boithuto ba linaleli hore ka letsatsi le leng letsatsi le chesa hoo 'me tsohle tse lefatšeng li tla felisoa. Ha kea bona lebaka la ho etsa letho ha ba qetellong, tsohle li tlo timela.”

'M'e ka khalefo, a hoelehetsa, “Ha se taba ea hao! Ha se taba ea hao!” Ngaka ea bososela ea re, “Empa Billy, ha u hloke ho khathatseha, hobane e tla re ha sena se etsahala, e tla be e le khale re shoele.” Le joale, ena ke eona karolo ea bothata: qetellong bohle se ntse re le ba shoeleng. Ka lehlohonolo, boteng ba rōna bo lokela ho fella lefung. Khahlanong le moo, re neiloe bophelo bo sa feleng lefatšeng le lecha.

**Please Ithute Thuto ea Beke ena ho lokisetsa Sabatha sa la 27, Tlhakubele.*

Maholimo a Macha le Lefatše le Lecha (Esa. 65:17–25)

Bala Esaia 65:17–25. Ke mofuta ofe oa nchafatso oo Morena a o tšepisang mo?

Molimo o tšepisa popo e ncha, e qalang ka mantsoe ana: “Hobane bonang, ke ea bōpa maholimo a macha le lefatše le lecha; tse fetileng ha li sa tla hlola li hopoloa, li ke ke tsa khutlela mehopolong” (Esa. 65:17). Boporofeteng bona bo hlolang, Morena o tšepisa ho “bopa Jerusalema e be motse oa thabo” (Esa. 65:18). Motseng oo ho ke ke ha ba le lillo (Esa. 65:19). Batho ba tla phela nako halele ho feta lekholo pele ba ka shoa (Esa. 65:20). Mosebetsi le bana ba bona ba tla lula ba le teng ho nyakalla (Esa. 65:21–23). Molimo o tla ba arabela le pele ba bitsa ho eena (Esa. 65:24).

E le ntle joalo, hobaneng see e se setšoantšo sa ho qetela sa nchafatso ea rōna, tšepo ea rōna ea ho qetela?

Ho fihlela joale re na le setšoantšo se setle sa bophelo bo bolele lefatšeng la pallo. Empa leha batho ba phela nako e telele, ba ntse ba shoa. E kae nchafatso e kholo ea tlhaho eo re e lebeleletse ea popo ea “maholimo a macha” le “lefatše le lecha”? Temana e latelang ea re bolella: “Phiri e tla phela hammoho le konyana, tau e tla fula joang joalo ka khomo, lerōle e be lijo tsa noha; li ke ke tsa khathatsa, leha e le ho senya thabeng ea ka eohle e halalelang: ho bolela Jehova” (Esa. 65:25). Hore tse jang nama joalo ka tau li fetohe tse jang litlama fela ho ka hloka se fetang fela ho kena lihlopha tsa ho pheha. Seo se hloka popo-bocha ho khutlisetsa lefatše boemong ba lona ba pele, joalo ka pele sebe se kena Edene ho tlisa lefu. Mona ho Esaia 65, Molimo o hlalisa popo ea “maholimo a macha” le “lefatše le lecha” ele mosebetsi o tsoelang pele, ho methati e lateloang, e qalang ka popo-bocha ea Jerusalema. Bapisa le Esaia 11, moo Messia a tla tlisa toka (Esa. 11:1–5). ‘Me qetellong, ho tla ba le khotso “thabeng e halalelang” ea Molimo; tšoantšetso e sebelisitsoeng ho Esaia 11 e tšoana le e fumanoang ho Esaia 65: “Phiri e tla phela hammoho le konyana . . . le tau e fula joang joalo ka khomo . . .” (Esa. 11:6, 7). Leha “thaba e halalelang” ea Jehova e tla qala ka thaba ea Sione e Jerusalema, e ne e le fela selelekela, papiso, ea seo Molimo a tšepisang ho se etsa qetellong, lefatšeng le lecha le batho ba hae ba lolotlosoeng.

Mohlomong ho e-na le ho phela lilemo tse 60, 70, 90, kapa le lona lekholo la lilemo, batho ba bangata ba phetse lilemo tse million kapa ho feta. Hobaneng leha ho le joalo, bothata-thata ba bath obo ke keng ba rarolloa? Hobaneng bophelo bo-sa-feleng e leng eona karabo fela tlhokong ea rōna e tebileng?

“Khoheli” ea Leholimo (Esa. 66:1–19)

Bala Esaia 66:1–19. U bolokile ka kelellong nako eo Esaia e ngotsoeng, ke molaetsa ofe oa mantlha oo a fanang ka oona moo?

Ka moporofeta, Molimo o pheta boipiletso le tlhokomeliso tse tletseng ka hare ho buka: Molimo o tla lopolla le ho nchafatsa ba ikokobelitseng, le ba thothomelang pela lentsoe la hae (Esa. 66:2, 5). Joalo ka Esaia 40:1, o tla ba tšelisa (Esa. 66:13). Empa o tla senya bao ba mo koenhelang. Sena se kenyeletsa meketjana ea boikaketsi, eo mahlabelo a eona a e latolang (Esa. 66:3, 4; bapisa Esa. 1:10–15), hammoho le ba mo hloileng le ba latolang batšepahi ba hae (Esa. 66:5). Hape ba kenyeletsa bao ba nkang karolo manyaleng a bohetene (Esa. 66:17) joalo ka a etsoang tempeleng ea Jerusalema (Ezek. 8:7–12).

Look at Isaiah 66:3. What is this text saying? What spiritual principles are Sheba Esaia 66:3. Temana ee e re'ng? Ke metheo efe ea semoea e senoloang mo? Ke joang khopolo e tšoanang e ka boleloang, empa boemong ba Bokreste ba joale le khumamelo?

How does God serve as a magnet to draw the nations to Himself? Esa. 66:18, 19.

Ka mora ho felisa lira tsa hae (Esa. 66:14–17), Molimo o senola khanya ea hae e le hore e be khoheli e hulelang batho Jerusalema (bapisa Esa. 2:2–4). O emisa “pontšo” mahareng a bona, e sa hlakisoang mona empa ka mohlomong e ka supa pontšong e boletsoeng ke Esaia: Molimo o nea batho ba hae thabo le khotso le nchafatso lefatšng la bona (Esa. 55:12, 13). Ha a senola khanya ea hae ka ho khutlisetsa sechaba sa hae ka mora tšenyō, ena ke potšo ea nchafatso ea mehauhelo ea hae, joalo ka ha a ile a nea Noe pontšo ea ka mora moroallo (Gen. 9:13–17).

Bala Esaia 66:5. Ho bolela eng ho thothomela pela lentsoe la hae? Hobaneng Morena a batla re thothomele pela lentsoe la hae? Ha e ba u sa thothomele, seo se ka bolela eng ka boemo ba pelo ea hao?

Barumuoa le Baetapele ba Khumamelo (Esa. 66:19–21)

Ho boleloa'ng ka ba phonyohileng ba tlisa batho (banab'abo bona) ho tsoa lichabeng e oe sehlabelo bakeng sa Morena? Esa. 66:19, 20.

Molimo o romela balopolloa tšenyō ea hae ho ea lipheletsong tsa lefatše, ho batho ba sa tsebeng ka Molimo, “ba tla tumisa khanya ea ka; lichabeng” (Esa. 66:19). Ena ke e 'ngoe ea lipolelo tsa Testamente e ncha tse hlakileng ka ho fetisisa tsa thomo ea borumuoa. Ka mantsoe a mang, ha se fela batho ho huleloa sechabeng sa ba-Heberu, empa ba bang ba ba-Heberu ba tla tsoa ho ea lichabeng le ho li ruta ka Molimo oa 'nete. Leha ho bile le barumuoa ba ba-Juda lipakeng tsa ho khutla kholehong le nako ea Kreste (Matt. 23:15), Bakreste ba pele ba ile ba hasa Evangeli ka potlako le ka sekhahla (Ba-Kol. 1:23).

Joalo ka ha ba-Iseraele ba ne ba tlisa linyehelo ho Jehova tempeleng, ka hona barumuoa ba tlisa nyehelo ho eena. Empa nyehelo ea bona e tla ba “banab'abo lōna ba tsoang lichabeng tsohle” (Esa. 66:20). Joalo ka linyehelo tsa lijo-thollo e ne e le limpho ho Molimo tse neng li sa bolaoe, bapholoso ba tisoang ho Jehova ba tla hlahisoa e le “sehlabelo se phelang” (bapisa Ba-Rom. 12:1). Ka khopolo ea hore batho ba ka hlahisoa ka pele ho Molimo e le nyehelo, e-la hloko boikitlaetso bo matla ba ba-Levi ho tsoa ho bana ba Iseraele “e le kabelo e tsokotsoang pel'a Jehova, hore ba tle ba etse tšebetso ea Jehova” (Num. 8:11).

Bohlokoa ba tšepiso ea Molimo ho “ikela ba bang ho bona, e be baprista le ba-levi” (Esa. 66:21)?

“Bona” temaneng ena ea 21 e bolela “banab'abo lōna ba tsoang lichabeng” litemaneng tse fertileng. Bana ke balichaba, bao ba bang ba bona Molimo a tlang ho ba khetha e le baetapele ba khumamelo, hammoho le baprista le ba-Levi. Ena phetoho ea nchafatso. Molimo pejana o ne a lumeletse fela litlohōlo tsa Aarone ho sebetsa e le baprista le hona fela ba lelōko la Levi ho ba thusa. Balichaba e ke ea ba litlohōli tsa Aarone kappa Levi, empa Molimo o tla fana ka tumello ho ba bang ho sebeletsa maikarabellong ana, ao pejana a neng a thibetsoe le ho ba-Juda ba bangata.

Bala 1 Peterese 2:9, 10. Peterose o ngolla bo mang? O reng ho bona? Ke molaetsa ofe oo a nang le oona bakeng sa motho ka mong oa rōna, joalo ka litho tsa “sechaba se halalelang” kajeno? Na re etsa ho betere ho feta batho ba pele (Exod. 19:6)?

Kopano ea Tumelo (Esa. 66:21)

Ba-Iseraele e ne le “muso oa baprista le sechaba se khethehileng” (Exod. 19:6), ka baprista ba khethehileng ho ba emela e le baetapele ba khumamelo. Empa ka moso, ba bang ba balichaba e tla ba baetapele ba khumamelo (Esa. 66:21).

Ke joang phethoho ena eka amang kopano ea tumelo e nchafalitsoeng? Sheba Matt. 28:19, Lik. 26:20, Ba-Gal. 3:28, Col. 3:11, 1 Tim. 3:16.

“Taolong e ncha ea lefatše” ea Molimo, balichaba ba ke ke ba kopana le sechaba sa Molimo fela, ba tla lekana le ba-Juda kopanong ea tumelo e tla mo e tla “boprista ba borena.” Ka hona, phapano e lipakeng tsa ba-Juda le balichaba ha e sa na thuso kapa sebaka.

Ke neng boporofeta bona ba Esaia bo ileng ba phethahala?

Paulose, moromuoa oa balichaba, o ile a phatlalatsa: “Ha ho sa le mo-Juda, le ha e le mo-Gerike, . . . hobane kaofela ha lōna le ntho e le ’ngoe ho Jesu Kreste. ’Me ha le le Bakreste, ke moo le leng leloko la Abrahama, le majalefa ka pallo” (Ba-Gal. 3:28, 29). Ho ba majalefa a pallo le ho ba phahamisitsoeng “baprista ba borema” e ne e se pakane e thabisang fela empa thomo ea ho kopana le ba-Juda bolela “lithoko tsa le bitsitseng lefifing ho le kenya leseling la hae le hlolangt” (1 Pet. 2:9; bapisa Esa. 66:19).

Ho phahamisoa ha balichaba ho fe ba-Juda tokelo ea ho korotla ka hore Molimo ha a etsa ka toka ka ho ba fa moputso o tšoanang. Kapa hona ho fa balichaba sebaka sa ho se hlomphe baena le likhahitso tsa bona tsa ba-Juda, ho feta basebetsi ba hiriloeng pejana ho shebela tlase ba hiriloeng morao (sheba Matt. 20:1–16). Ba-Juda pele e bile bona ba “tšepetsoeng lipolelo tsa Molimo” (Ba-Rom. 3:2) e le mecha ea Molimo ea tšenolo. Paulose o ngoletse balichaba: “Ekare ha makala a mang a thefutsoe, ’me uena u nong u le mohloare oa naheng, u hlomiloe sebakeng sa oona, ’me u kopantsoe le motso, u feptjoa monono oa mohloare oa hae, u se ke oa ikhohomosa ho makala a teng” (Ba-Rom. 11:17, 18).

Ka leseli la sefapano, le ka leseli la thomo ea Evangeli, hobaneng mofuta ofe kapa ofe oa semoea kapa morabe, kapa le eona khethollo ka bolotiki e le manyala pal’a sefahlelo sa Molimo? Ichebele haufi haholo; na u ntse u na le letsukanyana la semoea kapa semorabe? Ha e ba ho joalo, baka!

Leloko le Lebitso la hao li tla Sala (Esa. 66:22–24)

Bala Esaia 66:22. Temana e reng ho rōna? Ke tšepo efe eo re ka e fumanang?

E ’ngoe ea lipallo tse hlollang ho Esaia e fumanoa ho Esaia 66:22. E bale hantle. Maholimong a macha le lefatšeng le lecha, leloko la rōna le lebitso la rōna li tla lula li le teng ka ho-sa-feleng. Ha ho no ba le ho hlakola, ho felisoa, ho khaoloa, ho hlomoloa, kapa ho falatsoa. Mona re na le pallo ea ho bophelo bo sa feleng lefatšeng—lefatše le hlokang sebe, le lefu, le mahlomola, leholimo le lecha le lefatše le lecha, qetello le phethahalo ea tumelo ea rōna ea Bokreste, sehloholo sa seo Krete a se phethileng bakeng sa rōna.

Hobaneng ho na le likhoeli tse ncha le lisabatha ha ho boleloa maholimo a macha le lefatše le lecha joalo ka ha ho hlalisoa ho Esaia 66:23?

Leha ho na le litsela tse ’maloa tse fapaneng tsa ho sheba litemana tse thata, katamelo e ’ngoe ke ena: Molimo o entsa Sabatha pele tšebeletso ea mahlanelo e ba teng (Gen. 2:2, 3). Ka hona, leha lisabatha li ne li bolokoa ke tšebeletso ea mekete, ha li ea itšetleha ho eona. Ka hona, li tsoela pele ho sa kena-kenano e le tsona nakong ea nchafatso, ho kena lefatšeng le lecha. Ha moo ho boleloang ka Bibeleng hore likhoeli tse ncha e ne e le matsatsi a ka bolokoang a khumamelo ntle tšebeletsong ea mahlanelo. Empa mohlomong e tla ba matsatsi a khumamelo (empa e seng hakalo matsatsi a phomolo joalo ka Lisabatha tsa beke le beke) lefatšeng le lecha, mohlomong malebana le potoloha ea khoeli le khoeli ea sefate sa bophelo (Tšen. 22:2). Ho sa natsoe hore na moelelo oa Esaia 66:23 e ka ba ofe, ntlha ea bohlokoa e bonahala e le hore batho ba Molimo ba tla mo rapela ka ho sa-feleng.

Hobaneng Esaia a qetella ka tšobotsi e mpe ea batho ba pholositsoeng ha u sheba litopo tsa ba koenehetseng Molimo (Esa. 66:24)?

E tlhokomeliso e mahlonoko ho batho nako ea hae, Esaia o pheta phapano lipakeng tsa ba pholohileng ba tšepahalang tšenyehong ea Babylona le marabele a tla timetsoa. Ena ha se kotlo ea ka ho sa-feleng—marabe a shoale, a bolailoe ke “mollo,” tšenyō e sa kang ea tingoa ho fihlela e entsa mosebetsi oa eona e le hore popo-bocha ea Jerusalema e ka qala. Tlhokomeliso ea Esaia e supa pele phethahalang ea boporofeta ba buka ea Tšenolo: ho timetsoa ha baetsalibe, Satane, le lefu letšeng la mollo (Tšenolo 20), oo ka mora oona ho tlang ho ba le “maholimo a macha le lefatše le lecha,” “Jerusalema e mocha” ea halalelang, moo hoseng lillo le ha e le bohloko, “hobane tsa pele li fetile” (Tšen. 21:1–4; bapisa Esa. 65:17–19), bophelo bo bocha, bo-sa-feleng ho bohle ba pholositsoeng lefung.

Ho Ithuta Haholoanyane:

Bakeng sa tlhoekiso ea lefatše sebeng, bala Ellen G. White, “The Controversy Ended,” in *The Great Controversy*, pp. 662–678. “‘Me lilemo tsa bo-sa-feleng, ha li ntse li feta, li tla tliša menono le khanya ea tšenolo ea Molimo le ea Kreste. Joalo ka ha tsebo e hola, ho tla ba joalo le ka lerato, tlhomphe, le thabo e tla eketseha. Ha motho a ntse a thuta ka Molimo, o tla eketsa ho hlolloa ke semelo sa hae. Ha Jesu a bula kapele ho bona menono ea topollo le likatleho tse makatsang toantšanonong e kholo le Satane, lipelo tsa ba pholositsoeng li tla tlokoma ka khumamelo, ’me ka nyakallo ba letsa liharepa tsa khauta; ’me leshome la likete le baloang leshome la likete la mantsoe a kopana hammoho ho pina thoriso ka matla a maholo. “‘Me ka utloa libopuo tsohle tse leholimong, le tse lefatšeng, le tse ka tlase ho lefatše, le tse leoatleng, le tse ho tsona kaofela, li re: Ho ea lutseng teroneng le ho Konyana, e be teboho, le hlomphe, le khanya, le matla, mehleng le mehla!’ Tšenolo 5:13. “Toantšano e kholo e felile. Sebe le baetsalibe ha ba sa le eo. Maholimo le lefatše li hloekile. Ho utloahala ho otlala tumellano ka thabo fela tlholehong eohle. Ho tloha ho ea bopileng tsohle, ho phalla bophelo le leseli le thabo, ka sebaka se sa lekanyetsoang. Ho tloha ho e nyenyane ka ho fetisisa ho isa ho e kholohali lefatšeng, lintho tsohle, tse phelang le tse sa pheleng, ka botle ba tsona bo felletseng le nyakallo e phethahetseng, li bolela hore Molimo o lerato.”—Ellen G. White, *The Great Controversy*, p. 678.

Lipotso tsa Puisano:

1. Hobaneng pallo ea bophelo bo sa-feleng maholimong a macha le lefatšeng le lecha e le ntho ea mantlha bolumeling ba rōna ba Bokreste? Molemo oa tumelo ea rōna e ka ba ofe kante ho pallo eo?
2. Bala 2 Peterose 3:10–14. Ke joang litemana tsee li bontšang khopolo e tšoana le e boletsoeng ho Esaia 66?

Kakaretso: Esaia o hlalisa pono ea boemo bo tšosang. Ha se fela hore Molimo o tla timetsa le ho tsosa kopano ea tumelo, o tla atolosa meeli ea eona ho kenyeletsa lichaba tsohle. Qetellong sechaba sa hae se bopiloeng bocha se isa ho boptjoeng bocha ha lefatše, moo boteng ba hae e tlang ho ba matšelisoa a sechaba sa hae.